

*Bosna i Hercegovina
Federacija Bosne i Hercegovine
Kanton Sarajevo
JU Treća gimnazija
Vijeće roditelja školske 2024/25. godine*

Sarajevo, 13. 05. 2025. godine

ZAPISNIK

Četvrte redovne sjednice Vijeća roditelja

Četvrta redovna sjednica Vijeća roditelja održana je 13.05.2025. godine u biblioteci Treće gimnazije sa početkom u 18.00 sati.

Sjednici je prisustvovalo 13 članova Vijeća roditelja od minimalno potrebnih 13 članova, što je kvorum za održavanje sjednice Vijeća roditelja prema članu 16. Poslovnika o radu Vijeća roditelja. Odsutno je bilo 11 članova Vijeća roditelja od kojih su samo 2 člana najavila svoj izostanak (gđa. Irma Sokolović (III2) i g. Remzija Šetić (III6)), a g. Kenan Čaklović (I4), gđa. Maksida Ibrahimović (II4), g. Mirza Hulusić (II5), gđa. Edina Sujoldžić (II6), gđa. Amra Pešto (III3), gđa. Renata Logić (III4), g. Nedžad Sudić (IV2), gđa. Ajla Dautbašić (IV3) i gđa. Almira Muhović (IV5) su nenajavljeno odsustvovali. Vijeće roditelja je održalo sjednicu na rubu kvoruma zbog neodgovornog ponašanja priličnog broja nenajavljeno odsutnih članova.

Sjednici Vijeća roditelja prisustvovali su i predstavnici škole JU Treća gimnazija i to direktorica škole gđa. Amra Čolić i pedagog škole gđa. Hasija Dedović.

Predloženi dnevni red sjednice bio je:

1. Usvajanje Zapisnika sa Treće redovne sjednice Vijeća roditelja JU Treća gimnazija
2. Analiza uspjeha u učenju i vladanju sredinom II polugodišta
3. Informacije o sudjelovanju u radu Koordinacije Novo Sarajevo VROŠKS
4. Informacije o realizaciji Dana otvorenih vrata Treće gimnazije
5. Informacije o organizaciji ekskurzije učenika III razreda
6. Informacije o organizaciji Maturске večeri
7. Izvještaj o finansijskoj podršci roditelja za projekte učenika i unapređenje uvjeta rada i odgojno-obrazovnog procesa JU Treća gimnazija u saradnji sa Udruženjem „Alumni Treće gimnazije Sarajevo“ u toku školske 2024/25. godine
8. Informacija o realizovanim aktivnostima VR u tekućoj školskoj godini - preliminarni Izvještaj o radu Vijeća roditelja
9. Tekuća pitanja

Dnevni red je usvojen jednoglasno.

Ad/1

(Usvajanje Zapisnika sa Treće redovne sjednice Vijeća roditelja JU Treća gimnazija)

Zapisnik Treće redovne sjednice Vijeća roditelja usvojen je jednoglasno.

Ad/2

(Analiza uspjeha u učenju i vladanju sredinom II polugodišta)

Izveštaj analize uspjeha u učenju i vladanju sredinom II polugodišta je prezentovala direktorica škole gđa. Amra Čolić.

Između ostalog, skrenula je pažnju na pojavu uništavanja ili oštećenja školskog inventara od strane učenika prvih i drugih razreda škole. Škola poduzima mjere na sprečavanju i prevenciji ove pojave kod učenika. U tom smislu napominje da kvalitet novog inventara nije na očekivanom nivou što usložnjava problem.

Jedan od problema u fokusu škole je, ističe, i nasilje učenika na društvenim mrežama. Škola, u svojim mogućnostima, vrši edukaciju učenika i roditelja po ovom pitanju radeći prevenciju nasilju putem interneta ali i aktivno sarađuje sa PU Novo Sarajevo. Policijska uprava Novo Sarajevo uspješno reaguje na ovakve pojave i prijavljene situacije koordinirajući sa školom.

Izrečene disciplinske mjere škole vidljive su i u dostavljenom dokumentu analize uspjeha u učenju i vladanju, konstatuje.

Analiza uspjeha u učenju i vladanju će kao poseban dokument biti proslijeđena članovima Vijeća roditelja.

Ad/3

(Informacije o sudjelovanju u radu Koordinacije Novo Sarajevo VROSŠKS)

Predsjednica Vijeća roditelja gđa. Aida Aganović izvijestila je Vijeće roditelja o aktivnostima Koordinacije.

Ministarstvo za odgoj i obrazovanje Kantona Sarajevo je, na inicijativu ovog Vijeća roditelja proslijeđenu VROSŠKS, odobrilo pravdanje roditelja za izostanke djece iz škole za 5 dana u jednom polugodištu (umjesto 2 dana po staroj odluci). Odluka je već objavljena u Službenim novinama Kantona Sarajevo (Pravilnik o izricanju odgojno-disciplinskih mjera, Službene novine od 17.04.2025), stupa na snagu danom objave, tako da je primjenjiva već u drugom polugodištu tekuće školske 2024/25. godine.

Koordinacija provodi, kaže gđa. Aganović, i druge aktivnosti (najavljen je sastanak sa Načelnicom općine Novo Sarajevo) ali one nisu kompletirane do dana održavanja ove sjednice pa će o njima biti govora drugom prilikom.

Ad/4

(Informacije o realizaciji Dana otvorenih vrata Treće gimnazije)

Direktorica škole gđa. Amra Čolić je dostavila Vijeću roditelja osnovne informacije povodom Dana otvorenih vrata Treće gimnazije, manifestaciji koja je ove godine održana 25.04.2025. Radi se o promociji škole a snimljeni su i novi promotivni materijali koji se mogu pogledati na internet stranici škole. Ovom prilikom prezentovane su dobre prakse i inovativnost u nastavi, priređen

je kulturno-zabavni program u amfiteatru škole a svemu je prisustvovao veliki broj učenika i nastavnika.

Treća gimnazija će 14.05.2025. učestvovati na "Sajmu srednjih škola", gdje će učenici IT i matematičkog smjera škole imati svoje izložbe, a 26.05.2025. godine škola će biti domaćin manifestacije "Naše nebo izvrsnosti".

To je jedan puni kalendar aktivnosti koje škola inače provodi krajem školske godine predstavljajući sebe u onome što radi i nudi.

Ad/5

(Informacije o organizaciji ekskurzije učenika III razreda)

Direktorica škole gđa. Amra Čolić se osvrnula na ekskurziju učenika trećih razreda sa nekim osnovnim informacijama koje su roditeljima uglavnom poznate.

Ekskurzija kreće za Španiju 24.05.2025, trajaće deset dana što uključuje 8 noćenja u hotelima (polupansion i pansion). Noćna vožnja je zabranjena odlukom Ministarstva za odgoj i obrazovanje KS pa je cijena ekskurzije 1530 KM. Na ekskurziju ide 138 učenika i 8 profesora. Niti jedan učenik koji je bio zainteresovan za ekskurziju nije izostao sa ovog putovanja. Škola zahvaljuje svima koji su pomogli da se ovo ostvari. Za realizaciju ekskurzije odabrana je agencija „Divan Karupović“ sa kojom škola već godinama uspješno sarađuje.

Ad/6

(Informacije o organizaciji Maturске večeri)

Direktorica škole gđa. Amra Čolić je dala određene informacije o organizaciji Maturalne večeri za učenike Treće gimnazije.

Maturalna večer naših maturanata će biti održana u petak 23.05.2025 u obližnjem hotelu „Bristol“. Blizina hotela, koji iznimno radi ovaj prijem maturanata samo za našu školu, i naše škole je izuzetna pogodnost za naše maturante jer znatno olakšava organizaciju Maturalne večeri i za roditelje i školu.

Rezervacija hotela uključuje piće, večeru i muziku za maturante ali i, po želji, mogućnost dodatnih sadržaja.

Sve u svemu biće to jedno divno i prelijepo okupljanje naših maturanata.

Ad/7

(Izvještaj o finansijskoj podršci roditelja za projekte učenika i unapređenje uvjeta rada i odgojno-obrazovnog procesa JU Treća gimnazija u saradnji sa Udruženjem „Alumni Treće gimnazije Sarajevo“ u toku školske 2024/25. godine)

Direktorica škole gđa. Amra Čolić je obavjestila Vijeće roditelja da se, nažalost, samo 50 roditelja (od 584 koliko učenika ima naša škola) odazvalo pozivu Vijeća roditelja za potporu vannastavnih aktivnosti i projekata učenika i škole u saradnji sa udruženjem „Alumni Treće gimnazije Sarajevo“ konkretnim finansijskim priložima.

Zbog toga nije bilo dovoljno finansijskih sredstava, objašnjava, za tradicionalno štampanje Godišnjaka škole ali ni za podršku drugih aktivnosti.

Direktorica misli da je ovakvo ponašanje jednog dijela roditelja pomalo razočaravajuće obzirom na njihovu obrazovnu, stručnu i poslovnu strukturu.

Škola još jednom poziva roditelje da putem različitih donacija, prema svojim mogućnostima, podrže promoviranje lijepih stvari u školi (Centar izvrsnosti npr.).

Ad/8

(Informacija o realizovanim aktivnostima VR u tekućoj školskoj godini - preliminarni)

Izvještaj o radu Vijeća roditelja za školsku 2024/25. godinu, prethodno dostavljen članovima Vijeća roditelja uz dokumente za sjednicu, usvojen je jednoglasno.

Ad/9

(Tekuća pitanja)

Na Četvrtoj redovnoj sjednici Vijeća roditelja nije bilo dodatnih tačaka za razmatranje.

Četvrta redovna sjednica Vijeća roditelja završena je u 19 sati.

Zapisnik sastavio:

g. Izet Turković, sekretar Vijeća roditelja



Zapisnik ovjerila:

gđa. Aida Aganović, predsjednica Vijeća roditelja


